

Lipoti o te Otootoga



Social Cohesion Guide

Tamā lipoti takiala o te social cohesion

Ko te tamā lipoti takiala o te social cohesion ko he lipoti e fakamatala mai ai pe he ā te ata o te social cohesion i Aotearoa Niu Hila e iei i te waitaimi nei, fua ki nā fakamatalaga e maua e ki latou. E tukumaiāgia he ata fakatū ke fuafuagia ai te social cohesion i te lumanaki.

I Aotearoa Niu Hila, e i ei te social cohesion i loto o nā komiuniti kafai na tino e pikitaga mā lagona he lagona e hokotaga, e mafai ke fakatahi atu, e matāugia ma fakaaloologia, e laututuha ta na amanakiaga ma talitonu ki ē tahi tino ma loto o nā faigā mālō.

Ke maua te social cohesion, nā koga e nonofo ai, galuega, tafaoga ma akoakoga ke haogalemū, amanakia ma hapotigia; ma te hihitemi ma tautuaga i te komiuniti e tatau ke tutuha ma mafai ke tali atu ki nā manakoga kehekehe ma ni i ē tahi vāega.

E hēai he faiga fokotahi ke fuaua ai te social cohesion i luga o Aotearoa Niu Hila, ko teia lā e matou fakaaogāgia ai ni vāega fakamatalaga kehekehe mā fakamaumauga ke maua ai he mālamalama pe vehea tonu te ata o te tataou social cohesion e kitea atu nei. E ki matou fakaaogāgia ni vāega fakamaumauga ma ni hukehukega tukufakatahi mai te tauhaga 2016–2021. Kikilaga ki he ata kātoa, na i ei ni fakamatalaga lelei faka agai ki te social cohesion, kae ko iētahi taimi ko nā fakamatalaga e heki atagia mai ai te mau vāega kehekehe fakaagai ki te social cohesion. Fakatakitakiga, ko nā fakamatalaga e fakamaumau e hē fakaaogāgia i taimi uma ke mālamalama ai ki te social cohesion mō nā tamā kulupu i te komiuniti.

Ko nā fakamatalaga e fakailoa mai ko te tokalahiga o nā tino e nonofo i luga o Aotearoa Niu Hila e maua te levolo o ā latou nofonofoga, talitonuga, fakatahiga ma te ola mālōlō elei. Kae e fakailoa mai ai foki e hē ko nā nofonofoga ia o nā tino uma lele. Fakatakitakiga,

fakamaumauga e uiga ki Māori e fakailoa mai ko latou e maualuga te levolo o a na nofonofoga e auala mai iō latou kāiga ma te aganuku, kae mauāilālo te levolo o te talitonuga ki te mālō mā taikole tana kaufakatahi atu ki ākoākoga, galuega, ma palotaga.

Ni fakaopoopoga, ko te fakamatalaga e fakaali mai ai foki te fakailoga tagata ko he fakafītauli lahi ki te social cohesion i Aotearoa Niu Hila. Ko iētahi kulupu e feagai ki latou ma nī fakailoga tagata hili atu te maualuga, vēia ko nā tino kehe kua fakamautū i fenua (refugees) ma nā tino faimalaga mai i atunuku kehe mai Āhia ma nā Fenua o te Pahefika, na mātua heai ni tautokalua ma nā tino e hēai ni galuega. Tokalahi na tino na feagai ki latou ma ni itūkaiga fakailoga tagata kehekehe i te taimi lava e fokotahi, ko kinā na fakalalahi ai foki ni ō latou lagona hē lelei. Fakatakitakiga, ko nā fafine ma nā rainbow komiuniti (LGBTQIA+) na feagai ki latou ma te fakailoga tagata kātoa e hili atu te mauālugā, kae e i ei nā kehekehega o nā fakailoga tagata nae feagai ma nā tino i nā kulupu iēnei fua ki nā fenua e omamai ai pē ko nā hē mālōlōhi o te tino, ma iētahi.

Ko te toe kikilaga, ko te fakamatalaga e fakailoa mai ko nā tulaga o nā takitaki maualuga i loto o te mālō ma nā galuega tautua e tatau ke tokalahi ni tino mai nā atunuku kehekehe. Ko te ata hili atu tena e fia fakailoa mai ki te fatuga o te hōhaiete i loto o Aotearoa Niu Hila.

COVID-19 na āfaina ai lele te nofo leleia o ona tagata i loto i Aotearoa Niu Hila i nā itu lelei ma ni itū hē lelei. Fakatakitakiga, na opotia nā komiuniti mā faka tau fehoahoani tētahi tino ki tētahi tino, mā kote tokalahiga o nā tino e heki mafai ke kikila mata ki ō latou kāiga ma nā uō, mā ko te fāmai na fakalalahi to na pipihi vēnā ma nā fakafitāuli o te mafaufau. Ko na tahi afāina i te fāmai pipihi ko te COVID-19 koi tutupu lava i te taimi nei.

